




Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-03841/26

Datum: 10. 07. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa DŽ. Čauševića br. 1
71000 Sarajevo
N/r Elvedin Okerić, predsjedavajući



PREDMET: Odgovor na zastupničko pitanje, dostavlja se;
VEZA: Vaš akt, broj: 01-04-31246-15/26 od 23.06.2026. godine

U skladu sa Vašim aktom, broj i datum veze, kojim ste nam dostavili zastupničko pitanje zastupnice Sebiće Izetbegović koju je uputila na 31. radnoj sjednici Skupštine Kantona Sarajevo, održanoj dana 17.06.2026. godine, a koja glasi:

"Cijeneći značaj očuvanja kulture sjećanja na žrtve agresije na Bosnu i Hercegovinu, ali i obavezu transparentnog trošenja javnih sredstava, kao i potrebu zaštite dostojanstva svih učesnika i donatora koji su učestvovali u realizaciji manifestacije „Staza sjećanja“, u skladu sa Poslovnikom Skupštine Kantona Sarajevo upućujem sljedeća zastupnička pitanja:

I. ORGANIZACIJA MANIFESTACIJE „STAZA SJEĆANJA“

1. Ko je bio formalni organizator manifestacije „Staza sjećanja“?
2. Koje institucije, ustanove, javna preduzeća, udruženja građana i druga pravna lica su učestvovala u organizaciji i realizaciji predmetne manifestacije?
3. Ko je donio odluku o organizaciji i realizaciji manifestacije i na osnovu kojeg akta?
4. Molim da se dostavi kompletna dokumentacija koja se odnosi na organizaciju manifestacije, uključujući sporazume, ugovore, odluke, zaključke i druge relevantne akte.

II. FINANSIRANJE I UTROŠAK SREDSTAVA

1. Koliki je ukupan iznos budžetskih i drugih javnih sredstava izdvojen za organizaciju i realizaciju manifestacije „Staza sjećanja“?
2. Iz kojih budžetskih stavki i izvora finansiranja su obezbijeđena sredstva?
3. Kojim privrednim društvima, ustanovama, udruženjima ili drugim pravnim licima su dodijeljena sredstva za potrebe organizacije manifestacije?
4. Koliki je iznos sredstava dodijeljen svakom pojedinačnom korisniku?
5. Na osnovu kojih kriterija je izvršen izbor korisnika sredstava?
6. Da li su za potrebe realizacije projekta provedeni postupci javnih nabavki i molim da se dostavi pregled zaključenih ugovora?
7. Na koji način su korisnici sredstava pravdali utrošak dodijeljenog novca?

8. Da li su dostavljeni finansijski i narativni izvještaji o realizaciji aktivnosti i utrošku sredstava te ko je izvršio njihovu kontrolu i verifikaciju?

III. POSTUPANJE SA DONIRANOM OBUĆOM NAKON ZAVRŠETKA MANIFESTACIJE

1. Šta se nakon završetka manifestacije desilo sa postavkom koja je bila sastavljena od donirane obuće građana?
2. Kolika je ukupna količina donirane obuće prikupljena i korištena za potrebe manifestacije?
3. Da li je izvršen popis donirane obuće nakon završetka događaja?
4. Gdje je postavka bila pohranjena nakon završetka manifestacije?
5. Da li je donirana obuća sačuvana, arhivirana, ustupljena drugim institucijama ili na drugi način zbrinuta?
6. Ko je bio nadležan za donošenje odluke o daljnjem postupanju sa doniranom obućom nakon završetka manifestacije?

IV. NAVODI O UNIŠTENJU DONIRANE OBUĆE

1. Da li su tačni navodi da je dio donirane obuće nakon završetka manifestacije uništen ili odvezen na deponiju?
2. Da li je KJKP RAD učestvovao u uklanjanju, odvozu ili uništavanju dijela postavke odnosno donirane obuće?
3. Ukoliko jeste, po čijem nalogu je izvršeno uklanjanje ili uništavanje donirane obuće?
4. Da li je JU Memorijalni centar Sarajevo dala saglasnost za uklanjanje ili uništavanje dijela postavke?
5. Molim da se dostavi kopija svih odluka, saglasnosti, zapisnika ili drugih akata koji su bili osnov za eventualno uklanjanje ili uništavanje donirane obuće.
6. Ko je donio konačnu odluku da se dio donirane postavke uništi?
7. Na osnovu kojih kriterija je donesena odluka o uništavanju donirane obuće?
8. Da li su prije eventualnog uništavanja izvršeni popis, procjena i dokumentovanje količine obuće koja je uklonjena?
9. Da li postoje fotografije, zapisnici ili druga dokumentacija koja potvrđuje način postupanja sa doniranom obućom nakon završetka manifestacije?
10. Da li su donatori bili upoznati sa načinom na koji će biti zbrinuta donirana obuća nakon završetka manifestacije?

V. NADZOR I KONTROLA

1. Da li je Ured za borbu protiv korupcije i upravljanje kvalitetom Kantona Sarajevo vršio provjeru zakonitosti utroška sredstava vezanih za organizaciju manifestacije „Staza sjećanja“?
2. Da li je Kantonalna uprava za inspekcijske poslove vršila nadzor nad realizacijom projekta i postupanjem sa doniranom obućom nakon završetka manifestacije?
3. Ukoliko jesu, molim da se dostave nalazi, zapisnici i eventualno izrečene mjere.
4. Ukoliko nisu, molim da se dostavi obrazloženje zbog čega nadzor nije izvršen."

obavještavamo Vas da Kantonalna uprava za inspekcijske poslove Kantona Sarajevo nije nadležna za postupanje u konkretnoj stvari na navedene okolnosti. Naime, Inspektorat tržišno-turističke inspekcije ove Uprave obavlja poslove neposrednog inspekcijskog nadzora nad provođenjem zakona i drugih propisa iz oblasti prometa roba i usluga, vrši inspekcijske poslove kojim se kontrolira i nadzire rad i poslovanje privrednih društava, obrtnika i drugih pravnih i fizičkih osoba u oblasti trgovine, prometa roba i usluga u ugostiteljskim i turističkim objektima, preduzima upravne i druge mjera po izvršenom inspekcijskom nadzoru, u skladu sa zakonom i općim i posebnim ovlastima inspektora.

Kako navedena manifestacija nije privredna djelatnost niti promet roba i usluga to Inspektorat tržišno-turističke inspekcije nije ni mogao vršiti inspekcijski nadzor na navedene okolnosti iz zastupničkog pitanja.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a



